

UGOVOR
O JAVNOJ NABAVCI ROBE
– gorivo –

Zaključen u Sarajevu, nakon okončanog postupka javne nabavke u predmetu nabavke robe – goriva - putem direktnog sporazuma, na osnovu Obavještenja o prihvatanju ponude Ureda za zakonodavstvo Vijeća ministara Bosne i Hercegovine, broj: 02-16-3-423-1/25 od 27.05.2025. godine, I Z M E Ć U:

Ureda za zakonodavstvo Vijeća ministara Bosne i Hercegovine sa sjedištem u Sarajevu, ul. Trg BiH broj 1, ID broj: 4201077230009 (u daljem tekstu: **Ugovorni organ**), koga zastupa direktor mr. Džemail Ćibo, i

ENERGOPETROL d.d. – Sarajevo, ul. Azize Šaćirbegović 4b, ID broj: 4200163020002 (u daljem tekstu: **Dobavljač**), koga zastupa direktor Slavko Sić i izvršni direktor za finansije Raisa Ratković.

Ugovorni organ i Dobavljač u tekstu ovog Ugovora zajedno se označavaju kao **Ugovorne strane**

Član 1.

Predmet ovog Ugovora je nabavka i sukcesivna isporuka robe – goriva za potrebe Ugovornog organa prema specifikaciji Ponude broj: 013/40005531/21-05-25/1225 od 21.05.2025. godine, tokom trajanja Ugovora, odnosno do okončanja postupka za odabir novog dobavljača.

Član 2.

Ugovorni organ se obavezuje da će sukcesivno, tokom trajanja Ugovora, odnosno do okončanja postupka za odabir novog dobavljača, preuzimati potrebne količine goriva za dva službena vozila.

Član 3.

- (1) Dobavljač se obavezuje da će voditi evidenciju o izdatim količinama goriva sa naznakom vrste i količine goriva, datum izdavanja, registracijski broj vozila, ime, prezime i svojeručni potpis osobe koja je preuzela gorivo.
- (2) Dobavljač posjeduje EP kartice za sipanje goriva i praćenje troškova za svako motorno vozilo pojedinačno. Ugovorni organ dobija EP karticu na korištenje potpisivanjem ugovora, po dostavi Pristupnice za EP kartice.
- (3) Naručenu robu od strane Ugovornog organa, Dobavljač će isporučiti na paritetu isporuke: benzinska stanica, odmah po prispjeću vozila Ugovornog organa na benzinsku stanicu.

Član 4.

Za isporučeno gorivo iz člana 1. ovog Ugovora, Dobavljač Ugovornom organu garantuje kvalitet koji je određen vazećim standardima i certifikatima (uvjerenjem o kvalitetu).

Član 5.

- (1) Vrijednost predmetnog Ugovora iznosi do 3.664,00 KM sa PDV-om i uračunatim popustom.
- (2) Gorivo se isporučuje po važećim maloprodajnim cijenama na dan isporuke. Maloprodajne cijene se mijenjaju u zavisnosti od kretanja cijena derivata na svjetskom tržištu, te eventualne promjene zakonskih propisa o visini državnih dažbina ili uvođenja novih dažbina.
- (3) Na važeće maloprodajne cijene goriva na dan isporuke primjenjuje se fiksni rabat u iznosu od 0,05 KM/lit na gorivo Benzin BMB 95 na važeću jediničnu cijenu koji je nepromjenjiv tokom trajanja Ugovora, odnosno do okončanja postupka za odabir novog dobavljača.

Član 6.

- (1) Dobavljač je dužan Ugovornom organu, za sukcesivnu isporuku robe iz člana 1. ovog Ugovora, ispostaviti fakturu, svakih 15 dana (svakog 15-og i svakog posljednjeg dana u mjesecu) za protekli mjesec.
- (2) Ugovorni organ je dužan izvršiti plaćanje Dobavljaču, u roku od 15 (petnaest) dana od dana prijema fakture za isporučenu robu.
- (3) Način plaćanja je žiralno, preko jedinstvenog računa trezora institucija Bosne i Hercegovine.

Član 7.

Dobavljač ima pravo Ugovornom organu usloviti, ograničiti i obustaviti dalju isporuku goriva u slučaju ako Ugovorni organ neuredno vrši plaćanje.

Član 8.

Ugovor se zaključuje na vremenski period od jedne godine, odnosno do okončanja postupka za odabir novog dobavljača.

Član 9.

U slučaju da jedna ugovorna strana ne izvršava uredno ugovorene obaveze, druga ugovorna strana ima pravo da jednostrano, pismenim putem raskine Ugovor, a otkaz se podnosi 1. i 15. u mjesecu sa otkaznim rokom od 15 dana. U otkaznom roku se moraju izvršiti sve stvorene obaveze.

Član 10.

- (1) Ugovorni organ i Dobavljač se neće smatrati odgovornima za kašnjenje u ispunjenju obaveza prema ovom Ugovoru, neposredno ili posredno, ako je zakašnjenje usljedilo usljed više sile.
- (2) Pod višom silom podrazumjevaju se slučajevi koji se mogu pojaviti poslije stupanja Ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprečavaju jednu ili obje ugovorene strane u ispunjavanju preuzetih obaveza po ovom Ugovoru.

Član 11.

Svi eventualni sporovi koji nastanu realizacijom ovog Ugovora riješiće se sporazumno, u protivnom za rješavanje spora nadležan je Sud Bosne i Hercegovine.

Član 12.

Za sve što nije regulisano ovim Ugovorom, primjenjivat će se odredbe Zakona o obligacionim odnosima.

Član 13.

Ugovor stupa na snagu danom potpisivanja obje ugovorne strane, a primjenjuje se od 21.06.2025. godine.

Član 14.


Ovaj Ugovor je sačinjen u četiri istovjetna primjerka, od kojih svaka ugovorna strana zadržava po dva primjerka.



Ugovorni organ:
mr. Džemail Čibo, direktor

Dobavljač:


Slavko Sić, direktor


Raisa Ratković, izvršni direktor za finansije

Broj: 02-16-3-423-2/25
Datum: 27.05.2025. godine

Broj: EPD.1-1-276/25
Datum: 19.06. 2025. godine

